

268
ORATIONES
D V AE

DE SANCTO IOANNE
EVANGELISTA

HABITÆ IN CAPPELLA PON-
tificia sub Pont. Maximis, Sixto V.
& Innocentio IX.

PER EUNDEM DIDACUM
*del Castillo Salmanticensem Do-
ctorem Theologum.*



PERMISSV SUPERIORVM.

ROMAE, Apud Aloyfium Zannettum. 1593.

ORATIONES

D V A E

DE SANCTIOANNE

EVA NGELISTA

HABIT IN CAPPELLA PON-

tificatus Pont. Maximus. Sixto V.

& Innocentio IX.

PER EVANGELISTAM D. V. A. E.

del Castello Salmaticense 10.

Bonum T. Mediceum.




FRANCISCA ERTSCHMANN

1777

ORATIO PRIMA,
SIVE CONCIO HABITA
IN DIE SANCTI IOANNIS
EVANGELISTÆ

*CORAM SANCTISSIMO DO-
mino Nostro Sixto Quinto, per Didacum
del Castillo Salmanticen. Doctorem
Theologum.*



A est (beatissime Pater)
horum dierum veneran-
da, sanctaq. lætitia, tan-
tum omnium gaudium,
tanta alacritas, vt vel cœ

lestes illi spiritus, & Angelorum chori di-
uinis gloriæ hymnis pueri nobis dati na-
talem diem, angelico concentu celebra-
re non desistant. ^a Quantum ergo, inquit
Leo ille diuinus, lætari debet humilitas

*a Leo ser.
I. de nati-
uit.*

hominum, cum tantum gaudeat sublimi-
 tas Angelorum? Sed ad huius gloriæ, &
 gaudij amplitudinem spectat sanctorum
 triumphus, clarissima merita, inaudita fe-
 licitas, & maiestas. Sicut enim *a* ad Davi-
 dis Encomium attrinebat, vt fortium vi-
 rorum, quorum ipse Princeps erat, nomi-
 na insigniaq. facta, honorifica mentione
 colerentur: David sedens in Cathedra sa-
 pientissimus Princeps inter tres, ipse qua-
 si tenerrimus ligni vermiculus; sic post
 delicati, ac tenerrimi Principis *b* nobis na-
 ti decātatam gloriam, præclara fortium
 virorum facinora laudibus sunt efferen-
 da. Hic *c* etenim Rex Regum & Domi-
 nus dominantium cœlestes illos proce-
 res summo vult honore affici, & egregiā
 illorum victoriam, rerumq. gestarum ma-
 gnitudinem, & splendorem, ingenti Chri-
 stiani populi lætitia, memoria sempiter-
 na commendari. *d* Gaudeamus & exul-
 temus (inquit sacer Ioannes) & demus
 gloriam ei, quia venerunt nuptiæ agni, &

a 2. Reg.
 23.

b Esaia. 9.

c Apocal.
 18. & 19.

d Apoc.
 19.

vxor eius præparauit se, & datum est illi,
ut cooperiat se byssino splendenti & can-
dido. Byssinum enim iustificationes san-
ctorum sunt. Sed enim cum iustorum exi-
mia merita, & præmia in omnium oculis
referuntur, ingens est fidei populo causa
lætandi. Quod si cum Sanctorum feriae,
diesque festi aguntur, laudatur ^a Deus in
sanctis suis, magna q. fit gaudij & alacri-
tatis accessio; profecto dies hæc haberi
debet celeberrima & optatissima; in
qua ^b dilecti Ioānis sacratissimum trium-
phum nobis proponit Ecclesia. Qui cum
æterno Verbo præ aliis dulciter carus
& amicus extiterit, magnumq. apud ip-
sum sit assecutus in cœlis gradum hono-
ris; eius apud nos solemnis memoria in
terris summa exultatione debet illustra-
ri. Cum autem huius sanctissimi viri am-
plitudinem; & gloriam paulo attentius
libet contemplari; celebre illud Regis ^c
Assueri factum venit in mentem, quod in
sacro Ioanne expressum esse cumulatissi-

*a Ps. 150.**b Ioan. 19.
21.**c Esther 6.*

me video. Is enim Mardocheo illi tanto-
pere de se bene merito, quemq. ipse ho-
noribus prosequi cupiebat, id honoris
statuit, ut veste regia ornatus, impositoq.
diademate, equo regio in mediam to-
tius ciuitatis lucem veheretur, Aman ne-
quissimo acclamante: Sic honorabitur,
quemcunque voluerit Rex honorare.

a Esaiæ 14.

Nonne & ille de quo dicitur *a*: Quo mo-
do cecidisti de coelo Lucifer, qui mane
oriebaris: vel inuitus acclamare cogitur
instar Aman, diuinum Ioannem tali esse
dignum honore, & æterna, qua potitur,
felicitate? Nonne & diadema super ca-

b Sap. 5.

put eius *b*, qui cum summi doctoratus, &
virginitatis meritis effulserit, tum præcla-
ræ sapientiæ aureolâ corona meruit co-
honestari, tum sibi alteram non minus in-
signem obtinuit, debitam scilicet virgini-
tati? Huic enim quia castitate maxime

c Ioan. 19.

excelluit, Christus dominus in suo illo a-
cerbissimo agone *c* carissimam simul &
maestissimam matrē de alta cruce respi-

ciens,

ciens, tamquā dilecto præ aliis discipulo
fideliter commendavit, virginique disci-
pulo, custodiendam virginem sacratissi-
mam tradidit. ^a Nonne & corona etiam
aurea, ^b de lapideq. pretioso super caput
eius expressa signo sanctitatis, gloria ho-
noris, & ope fortitudinis, dum immorta-
lem martyrum lauream, & si in tormen-
tis non perierit, comparavit, cum inspe-
ctante Roma in ardens oleum demersus,
diuq. igne cruciatus, purior, & vegetior
exijt; postea in insulam Pathmos relega-
tus? Equo etiam regio vehebatur (equus
enim Christi regis insignis animi eius di-
missio est) qui summa cælestiq. animi
summissione præditus ^c cum nobili esset
genere natus, quam ob causam tempore
Christi cruciatus, notus dicitur Pontifici,
in pauperum numerum præclarum duxe-
rit cooptari, & diuini magistri inhærens
vestigijs ^d cordis discere humilitatem?
Princeps quidem ille Regum Christus Ie-
sus, cum ^e ciuitatem illam amplissimam

a Eccli.

45.

b Psal. 20.

*c D. Hie-
ron. Epis.
18. ad
Principiā,
to. I.*

*d Matth.
11.*

*e Matt. 21.
Marci 11.
Lucæ 19.*

magna

magna comitatus caterua Hebræi populi
regia acclamatione, incredibiliq. alacri-
tate intrauit, non feroci aut impatienti
equo ferebatur, non triumphali curru &
armatorum militum manu stipatus, sed
asinæ insidens, vt admirandum humilitatis
nobis exhiberet exemplum. At cum nu-
ptiali thalamo naturam sibi copulauit
humanam, & quod ^a numquam fuit hu-
manis oculis visibile, cœpit etiam & ma-
nibus esse tractabile, dum se diuinum ip-
sum verbum, morti tradidit, vt totum ge-
nus seruaret humanum, regali veste in-
dutum, immensa scilicet dilectione &
charitate hominibus se præbuit manife-
stum, vt memores huius excessus & exi-
mij amoris ^b nos etiam vestiti & non nu-
di inueniamur, & ^c diligamus etiam, quia
ipse prior dilexit nos. Nonne & hac veste
auro, gemmisq. micante B. Ioannem or-
natum licet intueri, qui inter reliquos di-
scipulos dilecti meruit sibi nomen & glo-
riam vindicare? Hic ^d est discipulus, quē

dilige-

diligebat Iesus, *a* Puer Israel, & dilexi
eum. Cui enim discipulorum Christus
dominus plura exhibuit signa dilectio-
nis? aut quæ sunt in aliquo ornamenta
virtutum, quæ non in vno Ioanne cumu-
lata reperiantur? ipse Apostolus, Euan-
gelista, Martyr, Doctor, *b* virginitate
potens, prophetiæ dono sublimis, ipse
æterno verbo à secretis extitit, ipse *c* ascē-
dit in montem Thabor, ipse in sacratissi-
ma cœna Christo proximum locum ob-
tinuit, quippe qui supra pectus Domini
in cœna recubuit, ipse Christum interro-
gat quod alij non audēt: *d* Domine quis
est qui tradet te? In *e* Resurrectione ci-
tius Petro præcucurrit, ac denique omni-
bus amoris & benevolentiae officijs con-
decoratur. Ex quo quantum Sanctissi-
mus Ioannes charitate flagrauerit, facile
erit perspicere. Decebat etenim (Beatif-
sime Pater) vt qui Christianæ Reipublicæ
gubernacula (onus Ætna grauius) susci-
pere debebat, qui puppim regere cla-

a Osee 11.

b S. Hier.
de scripto-
ribus Ec-
clesiasticis
lib. 1.
aduersus
Iovinianum.

c Matth. 7.

d Ioan. 13.

e Ioan. 20.

b

uumque

a Ioan. xlt.

b Apoc. c.
2.

c Ezech. i.

uūmquē tenere, is virtute dilectionis maxime excelleret. Quamobrem Princeps Apostolorum Petrus, prius æquis diligenter ponderibus libratur, an charitate superet alios Apostolos, quàm ei Pontificia auctoritas concedatur. ^a Diligis me plus his? pasce agnos meos. Quid aliud rubri isti colores? Quid purpurea vestis, nisi amorem internum charitatemq. ardentem designant, qua tanquam regali veste ornati Apostolorum successores debent præfulgere? Quod ^b si Ephesi Episcopus egregijs virtutibus excultus acriter reprehenditur apud Ioannem, quòd charitatis feruorem amiserit, & illi dicitur: Memor esto itaque, vnde excideris, & age poenitentiam: sin autem, veniam tibi cito, & mouebo candelabrum tuum de loco suo; Quid illi fieret si peccati turpitudine obcoecatus omnino à charitate defecisset? Nec decet solum charitate florere, sed crescere necesse est. Sancta enim illa quattuor ^c animalia, quorum

pen-

pennæ iunctæ erant alterius ad alterum, in quo illorum charitas designatur, non reuertebantur, cum ambularent. Etenim in via domini non progredi regredi est. Quæ ^a retro sunt obliuiscens, ad priora extendens me ipsum, ad destinatum persequar brauium æternæ vocationis. Sed vt eo reuertatur, vnde nostra digressa videtur oratio, merito beatissimus Ioannes inter duodecim Apostolos cum ^b Iosepho inter duodecim Patriarchas debet cõparari. Dilectus præ ceteris Ioseph Patri. etiã erga Ioannem insignis fuit indulgentia Redemptoris. vterque exul: & Ioseph castitate insignis, & Ioannes hac etiam virtute sublimis. Iosepho dedit pater partem vnã extra fratres suos, & Ioanni contigit etiam modo quodam excellentiori pars vna extra fratres suos Apostolos, videlicet Prophetiæ donum. Ad hoc enim munus subeundum Ioannes in Apocalypsi ^c ascendit. Vocatur semper ad sublimia Ioannes, siue in mon

a Ad Philip. 3.

b Genes. 37.

c Apoc. c. 4.
Lucæ 9.

a Matth.

17.

Ioan. 21.

b Ad Co-

loff. 2.

c Ezech.

17.

d Ioan. 1.

Genes. 45.

e Hester.

6.

f 2. ad Ti-

moth. 2.

te, vbi ^a specimen Christus aperuit immortalitatis: siue in coena, dum supra petrus illud recubuit ^b, vbi sunt reconditi thesauri scientiæ, & sapientiæ Dei. Rapi-
 tur supra seipsum, ^c ascenditq. in Libanū,
 & medullam cedri tulit, idest interna re-
 rum arcana, vt totum orbem suo vatici-
 nio illustraret. Vere Aquila hæc diuina
 volatu ascendit, ^d dum Verbum esse in
 principio, & quod Deus erat Verbum
 contemplatur, & iam capta altissima &
 nobilissima præda Christi diuinitatis in
 terris, ea fruitur indissolubili vinculo in
 in coelis. Sic inquam (Beatissime Pater ^e)
 sic honorabitur quemcumque voluerit
 Rex honorare, sic ^f coronabitur, qui legi-
 time certauerit. Hæc sunt illa merita, qui-
 bus hominum vita breuissimis circumscri-
 pta finibus ad infinitam memoriam pro-
 pagatur: hæc iustorum præmia, quæ, vt
 nullo magnitudinis termino clauduntur,
 ita nullo ætatis spatio terminantur: sed
 cum virtute sint quodam modo infinita,

ita

ita duratione sunt æterna. Hic beatorum triumphus, & quæ nec mente, nec cogitatione adūbrari potest felicitas. O beatissime Ioannes, te ipsum iam hac æterna felicitate fruente appello, te ipsum iam æternæ gloriæ trophæis insignem deprecari non desinam; vt opem nobis obtineas diuinam, qua rerum cœlestium cupiditatē mirabiliter inflammati, sic vitam hanc nostram mortālē instituamus, vt eiusdem gloriæ participes effecti, immortali in æternum perfruamur.


D I X I.





ORATIO SECVNDA,
SIVE CONCIO HABITA
IN DIE SANCTI IOANNIS
EVANGELISTÆ

IN CAPELLA PONTIFI-
cia sub S.D.N. Innocentio IX. P. M.
per Didacum del Castillo Salma-
nicen. Doctorem Theologum.



Onstituerat B.P. summus
ille rerum opifex Deus
hominem, quem suam
effigiem multo consilio
expressam esse voluit, in
eo honoris & dignitatis gradu, vt in om-
nia, quæ infra cælum sunt, regium prin-
cipatum teneret, pauloq. a minor ab An-
gelis effectus gloria & honore incredibi-
li, omnes sibi subiectas naturas continens,

Gene. 1. &
2.

a Psal. 8.

earum

earum virtutibus quasi coronatus in-
 deret. Sed cum hæc erga ipsum appare-
 rent diuinæ beneficentiæ & largitatis ar-
 gumenta, ^a prima illa peccati labe coin-
 quatus est, quæ repens ac serpens per
 omnium quasi stirpium radices, ^b fructus
 vitiauit vniuersos, totamq. lætali veneno
 naturam infecit. Ex quo illa abiecta hu-
 miq. prostrata suum splendorem & glo-
 riam obscurauit, homoq. miser e gradu
 illo dignitatis, quem paulo ante summa
 cum laude obtinuerat, deturbatus, ^c com-
 paratus est iumentis insipientibus, & si-
 milis factus est illis. ^d Optabat propterea
 vehementer Sponsa ab hac sibi iniusta in-
 famiæ nota eripi, in pristinumq. honorem
 & dignitatis gradum vindicari. Optabat,
 vt Verbum illud, quod ^e in principio erat
 apud Deum, & in sinu Patris, quasi in ab-
 ditis penetralibus, in forma Dei latebat,
 hominem indueret humanāq. naturam
 simul cum diuina in vnā colligaret Hi-
 postasim, vt sub serui ^f habitu in similitu-

dinem

dinē carnis peccati incōmutabilis Deus
ē coelo ^a peregre in huius mundi agrum
profectus foras ^b ex augustissimo thala-
mo virginis egrederetur, ^c pannisque
inuolutus inter acta cōditus præsepia va-
gitus ederet, suggeretq. vbera matris, per ^d
quem nec ales esurit; & hominū ^e frater
factus homo ^f in terris cōspiceretur, atq.
inter homines familiariter versaretur.
Optabat deinde solum diuinum Verbū
foris inuenire, nō Patrem, nec Spiritū san-
ctum. solū inquam, quoniā ad substan-
tiam solius Verbi natura humana euecta
est; ac denique ipsum deosculari exopta-
bat, vt ^g vtraque natura in suis propieta-
tibus permanente, tāta fieret vnitatis cō-
munio, vt quicquid ibi est Dei, non esset
ab humanitate disiunctum; quidquid au-
tē est hominis, non esset à Deitate diui-
sum. Et ^h iam, inquit, fiet, vt nemo me de-
spiciat ⁱ. Ad tantā etenim gloriā, & ma-
iestatē assumpta est in diuino Verbo hu-
mana natura, vt quo altius attolleretur

^a Matth.
25.
^b Cant. 8.
^c Lucæ 2.
^d Sedulius
de Christi
natiuit.
^e Taulus
ad Hebr.
2. nam nō
confundi-
tur fra-
tres nos
vocare qā
ipse dicit
nuntiabo
nomē tuū
fratribus
meis.
^f Psal. 21.
^g Baruch.
3. & Ioā.
c. 1.
^h D. Leo
serm. 8. de
natiuit.
ⁱ Cant. 8.
i D. Aug.
in lib. de
prædesti-
nat sancto-
rum.

non haberet. Ideo in hoc solemnī triūpho
 humanæ naturæ, in hac die lætitiæ, in
 qua licet oculis intueri diuinum illum
 Regem ^a Salomonem diademate insigni-
 tum, quo coronauit illum mater sua in
 die desponsationis illius, ^b Angeli, imo &
 Angelorum exercitus suauissimo concen-
 tu, & harmonia modulantes cælo glo-
 riam, & terris pacem, exaudiuntur: stella
 nouæ claritatis apparuit, quæ illustrior
 alijs pulchriorq. syderibus facile in se in-
 tuentium oculos, animūq. conuerte-
 ret: qua ^d sapientes Reges ad præsepe
 ducti, nullo iniqui Regis timore perculsi
 ad pedes eximiæ illius humanitatis pro-
 strati, præciosissimāq. munera offeren-
 tes diuinum illi exhibent honorem: vt ve-
 re dictum sit, *Quod iacebat in præsepio, &*
^e *fulgebat in cælo*. Et iam nemo ^e me de-
 spiciat. Non tantum quoniam humana
 natura in Christo maximum splendorem
 & gloriam assecuta est; sed etiam quo-
 niam toti hominum posteritati à suauissi-

mo Dei filio magna cælestium bonorum, honoris & dignitatis incrementa, tamquam à perenni bonorum omnium fonte sunt ita affluenter naturæ communicata, vt *a* ubi abundauit delictum, superabundauerit & gratia. Quod in vno sanctissimo Ioanne, cuius festum hodierna die aniuersario ritu celebrat Ecclesia, contemplari possumus expressum. *b* Ipse enim & Apostolorum dignitatem, & Euangelistarum gloriam, maximamque auctoritatem adeptus, Martyrum corona insignitus, diuinique Doctoris nomen, Propheticumque lumen consequutus, meruit etiam Virginum aureola, omniumque gratiarum genere amplificari. *c* Dedit siquidem Christus quosdam Apostolos, quosdam autem Prophetas, alios vero Euangelistas, alios vero Pastores, & Doctores ad consummationem Sanctorum, in opus ministerij, in ædificationem corporis Christi. Sed hæc omnia cælestia dona in vno

*a Rom. 5.**b D. Hier. lib. 1. aduersus Iovinianum prope medium.**c Ephes. 4.*

dilecto Ioanne Christus cumulatiflime
coniunxit; cuius animus in diuino illo
Christi pectore tam eximium amorem
ebibit. Ea sibi Christum Ioannes charita-
te deuinxit, vt communi omnium accla-
matione diceretur Discipulus *a* quem
Dominus dilegebat. Nec mirum, nam
si in amore & beneuolentia mutuam ani-
mi coniunctionem spectes, ipse supra
pectus *b* Domini in cæna recubuit. Ma-
gnum certe amoris & charitatis moni-
mentum in celebri illo; & grandi conui-
uio in quo sacrum Mysterium, & admi-
rabile *c* Sacramentum est institutum, sic
esse Christo proximum ac coniunctum.
Non audet *d* Baptista sacrum Domini
caput contingere, *e* Magdalena cum ti-
more & tremore sacros pedes tangit; *f*
Thomas, nisi iussus, manum non admo-
uet ad latus; Ioannes autem vt dilectus,
non petita venia in *g* sinu Christi recum-
bit. Si in amore voluntatum consensum
confideres, ipse ad Domini *b* vocantis

nutum desertis parentibus, abiectoque
 omni instrumento artis, quo usque ad
 eum diem viciſſitarat, nihilque de ſuo ſta-
 tu ſolicitus, totum ſe domini commiſſit
 voluntati. Si argumentum eſt ſingularis
 amoris magnum alicui credere theſau-
 rum, preſioſiſſimum, & ſingulare; de
 quo totius mundi pretium ſumpſit, Io-
 anni ^a Chriſtus commendauit, Caſtiſſi-
 mam ſuam matrem ac virginem. ^b Le-
 gauerat Dominus Petro claues Eccle-
 ſiæ, commiſit Ioanni cuſtodiam Mariæ:
 vtrique matrem tradidit, vtrique cæ-
 lum: Mater Chriſti Maria, Eccleſia ma-
 ter Chriſtiani populi. Dicit Dominus
 Petro: Tibi dabo claues regni cælorum.
 Numquid Beata Maria cælum non fuit,
 in qua tota plenitudo diuinitatis per-
 manſit, quæ clauſit vtero ſuo, quem cæ-
 li capere non poterant? Tantum igitur
 diuinus Ioannes virtute caſtitaſis excel-
 luit, vt tali fuerit dignus honore, & exi-
 miam hanc præ alijs beneuolentiam ſibi

a Ioã. 19.

b Matth.

16.

*a Cant. 6.**b Exponi-
tur caput
Apoc. 14.**c Rom. 8.
2. ad Cor.
10.*

conciliauerit Redemptoris . Maxime enim gaudet hic dilectus Ecclesiæ inter virgines versari, ac mente, & corpore incorruptos, ^a qui pascitur inter lilia, flores candidissimos, quo vitæ puritas, & castitas designatur . Quorum primis Ecclesiæ temporibus magna fuit copia Christo gratissima, vt etiam numerosissimam postremis temporibus fore à Ioanne prædictum est in ^b Apocalypsi, cui visus est Christus in specie agni supra montem Sion stare, centum quadraginta quatuor millibus stipatus, quorum concentus edebat vehementem sonum, qualis existit ex multarum aquarum impetu, cum saxis aut rupibus illissæ franguntur ; aut tamquam vocem tonitruu magni, sed harmoniæ & suauitatis plenissimam, & eam sicut citharizantium in citharis suis . Illorum enim sonus, vocesque gratissimæ ad aures Agni immaculati accidunt, ^c qui in carne degentes, extra carnem vixerunt, qui cum non sint

cum

cum mulieribus coinquinati, sequuntur Agnum, quocumque ierit. Sed non modo perhonorificum, verum etiam utile Ioanni fuisse videndum est, quod eius fidei Dei mater honorifico ^a filij iussu fuerit commissa, tantoque temporis spatio cum ipsa commoratus ipse fuerit. Si olim ^b Deus Obededom larga benedictione compleuit, quod in suam domum arcam Domini recepisset, qui veram fœderis, & propitiationis arcam, Dei videlicet matrem, tot annos apud se habuit, quam existimauimus benedictionem, affluentemque diuinæ gratiæ copiam fuisse consequutum? Si amorem summum excitat pro amico aduersa tolerare (nam ^c qui amicum possidet, in tentatione debet eum possidere) Ioannes ^d astitit iuxta crucem Christo morienti, exilium in insula Pathmos pro Christo, fideque suscepit; acerbum ac letale poculum lætus ^e ebibit, dolium feruentis olei incredibili virtute superauit. Si deni-

^a Ioan. 19.^b 1. Reg.

12.

2. Règ. 6.

^c Eccl. 6.^d Ioan. 19.^e Hier. li.

1. aduersus Iouinianū re-

fert hoc

ex Tertul-

liano.

que

*a Ioan. 15.**b Ioan. 15.**c Ioan. 1.**d Ezech.
1.*

que benevolentiae signum est occulta
 atque arcana aperire, quæ Christus à
 patre didicit, & ^a non seruis, sed Aposto-
 lis magna sibi familiaritate coniunctis
 Christus libentissime credidit: dum ta-
 men omnes velut ventorum turbine pro
 cognoscendo magistri sui proditore sol-
 liciti agitantur, ^b eum soli Ioanni indi-
 cavit. Neque hoc tantum, sed dum su-
 pra pectus recubuit, in quo sunt reconditi
 thesauri scientiæ, & sapientiæ Dei,
 quam scientiam hausit, quam variam,
 sublinem, diuinam? Iam non miror,
 P. B. si ^c reconditum Trinitatis myste-
 rium præ omnibus expressit (Aquila
 enim, teste Ezechiele, ^d erat desuper ip-
 sorum quatuor) si abditissimum Dei con-
 silium de futuro Ecclesiæ statu per va-
 ria temporum curricula usque ad extre-
 ma, cælesti quodam lumine illustratus
 edidit atque descripsit: librum siqui-
 dem sapientiæ, immo & sapientiam ip-
 sam deuorauit, id est mente & cogita-

tione

tione percepit. Habebat etenim magnus consilij Angelus, ^a quem Ioannes vidit, nube scilicet humanitatis amictum, & Iris arcus propitiationis in capite eius, quia Deus ^b erat in Christo mundum reconcilians sibi: habebat inquam in manu librum scientiæ & præscientiæ Dei: quo (vt sibi impositum fuerat) deuorato, ^c impleuit eum Dominus spiritu sapientiæ & intellectus, ipsumque dulcedine quadam sicut mellis, dum in ore eius esset, affecit; ^d dulcia enim faucibus eloquia Dei sicut mel ori, dicit Dauid. Attamen tunc cum imminetia Ecclesiæ mala illi inter alia sunt reuelata, & veluti digito demonstrata, ad ventremque peruenerunt, hoc est intellectu altius considerarentur: cœpit amaricari, id est indignatione quadam & solitudine angī: sicut Ezechieli dictum fuisse legimus, dum etiam alium sapientiæ inuolutum librum deuorauisset: ^e Abij, inquit, amarus indignatio-

^a Exponitur caput.
Apoc. 10.

^b 1. Cor. 5.

^c *Esaiæ.*
11.
Ecclesiast.
15.
^d *Psalms.*
118.

^e *Ezec. 3.*

*Eccle--
iast. 2.*

*Psalm.
109.*

*c. Matt. 11.
Lucæ 6.*

ne spiritus mei : venterque ibi intel-
ctum significat. Nam sapientia dicitur ^a
pulchra, cum in ventre accipitur, &
Christus ^b ex vtero Patris, id est, men-
te paterna, ante luciferum dicitur geni-
tus. Hoc igitur diuinæ sapientiæ libro
educatus sanctissimus Ioannes tantam
diuinarum, futurarumque Ecclesiæ re-
rum cognitionem acquisiuit, vt omnes
ab eius ore penderent, dum in insulam
Pathmos relegatus plurimos suauissimo
suo sermone deliniret, doceretque vitæ
perbreuem esse cursum, gloriam vero
sempiternam eorum. Qui cucurrerunt
post vnguentorum odorem, & Christo
nomen dederunt. Gentes ibi immanita-
te efferatas emolliuit, imperitas erudiuit,
superstitiones decerpfit, inferensque re-
ligionem, aperuit iter ad cælum, ac de-
nique laborum perpeffione clarus se to-
tum Deo tradidit & consecrauit, vt cæ-
lesti aurea corona, eaque præstantissima
donaretur. ^c Regnum etenim cælorum

vim patitur, & violenti rapiunt illud, nec vllō alio pretio ait S. August. ^a quam te ipso poteris comparare: te da & habebis illud. Christus Iesus æterni Patris Filius semetipsum tradidit, vt te in Regnum Deo Patri acquireret, & tu te ipsum da, vt sis regnum eius, ac non regnet peccatum in mortali tuo corpore, sed spiritus in acquisitionem vitæ.

*a S. Aug.
in serm. 2.
de omni-
bus san-
ctis.*

D I X I.



1.005.646

et p[ro]p[ri]um, et v[er]um r[ati]one illud
 non alio alio p[ro]p[ri]um. Augustinus. Augustinus
 et ad p[ro]p[ri]um comparat: et ad
 hoc illud. Christus inuenit p[ro]p[ri]um
 et inuenit p[ro]p[ri]um et ad in
 gunt. et p[ro]p[ri]um p[ro]p[ri]um, et in
 gunt, et in r[ati]one, et non
 gunt p[ro]p[ri]um in p[ro]p[ri]um et
 gunt p[ro]p[ri]um in p[ro]p[ri]um.

D I X I



1005

